

يوحنا دومی نامه

۱

۱ شیخ جی،

به انتخاب بوبؤ بانو و اونه زاڪون که اوشون 'حقيقت' ميئن دوست دَنَم- و نه فقط مو، بلکه همه اوشوني که حقيقت بشناختن- ۲ او حقيقتِ وسه که أمه ميئن هَنه و تا آبد أمه أمره موئنه.

۳ فيض و رحمت و سلامتي، خدای پئر طرف جی و عیسی مسیح جی، او پئر ريکه، أمه أمره موئنه، حقيقت ميئن و محبت ميئن.

محبت و حقيقت ميئن زندگي گودن

۴ مو خيلي ذوق بودم که بفهمسم، بعضی از تي زاڪون بنا بر او حکمی که پئر جی هيتيم، 'حقيقت' ميئن زندگي کوئنن. ۵ الوُن، محترم بانو، تي جی يکته خواسته دَنَم. نه اينکه يکته تازه حکم، ته به بنويسم، بلکه هوني که از اول بداشتيم، که همدیگه محبت بکونيم. ۶ و محبت اي ايسه که، أمه عين اونه حکمؤن زندگي بکونيم. حکم ای ايسه هوطو که از اول بشتوسين، که اونه محبت ميئن زيندگي بکونين.

۷ چونکه خيلي دغلباز آدمون دنيا ميئن بمان، که اوشون اعتراف نکوئنن عیسی مسیح، اينسون جسم ميئن بماء. ایجور آدمؤن، هو دغلبازون و ضيد مسیح ايسن. ۸ واخوب بين تا او کار ثمره که أمه انجوم بدایم به باد ندين، بلکه يکته پاداش کاميل هگیرين. ۹ هرکس که مسیح تعليم جی پيش دکی و اونه ميئن ثابت نوموئي، خدای ندَننه. هرکس که اونه تعليم ميئن ثابت بوموئي، هم پئر دَننه و هم ريکه دَننه. ۱۰ اگه کسی شيمه ورجه بای و اي تعليم نئری، اونه شيمه خونه ميئن راه ندين و اونه سلامم اونه نوگوين؛ ۱۱ چون کسی که اونه سلام بگی، اونه شرير کارون ميئن شریک ايسه.

سرآخړ

^{۱۲} هرچند خپلی چیزون دښمن که شمه به بنویسم، ولی نخواستنم مرکب و کاغذ
أمره بی. بلکه امید دښمن شیمه ورجه بښم و رو در رو گب بزینم تا أمه شادی
کامیل بی.
^{۱۳} تی انتخاب بوبؤ خاخور زاکوون، ته به سلام رسونبښن.

